

QVÆSTIO MEDICA

QVOD LIBETARIIS DISPV TATIONIBVS MANE DISCV TIENDA,

IN SCHOLIS MEDICORVM, DIE IOVIS XX. DECEMBRIS.

M. NICOLAO ROBIN, Doctore Medico, Moderatore.

An Hydropi pectoris, Sectio ?

IN Hydropse fit propere discrimin, quod tarda aliquando calamitas claudit. Vt in acutis bis peccare non vacat, sic sæpe sæpius serò nimis Medicina paratur. Ne fidas hosti intestino, vltimam quamprimùm perniciem intulit, nec ei parciturus qui pepercerit. Quò tamen nobiliora iniquarint exta, eò citius de natura triumphat. In locis lentè sæuit, in abdomine periculum ex mora ducit; in capite capital esto: sed in pectore quò grauius præsentiusque periculum, eò magis celocem operam poscit non corbitam. Sublatà respiratione perit vita, cohibito spiritu citò citius fugit; nec enim vna sufficit hysteris *ὑστερὶς*, quæ infectis pro vitæ modo satis est: at perfectis animantibus viuere idem ac spirare, animamque protinus agere videntur, quum non agunt. Quanto cæteris grauius malum, illam ægrius ducere, quum vitæ lares inundant aquæ, plenumque pectus spatia artat agitandæ irrequietò motu flammæ vitali destinata.

VERVM priusquam operi manum admoueas, siste pedem, agnosce morbum, & quod Aquileges præstant, latentes aquas vno digna artifice *πυκνὰ* explora diligenter; etenim in internis morbis ac in hydropse pectoris maximè, errorem inducunt similitudines. Num indictus ideò antiquis fuit omnibus præterquam Seni? Aut quia rarior affectus, nec Græco suppar igni in corde *τὸ σπυρον*. Satis herclè liquidò prodit subdolæ indolis maleficium impeditior dyspnœa, interpellatura quietem vnicum afflictis viribus solatium; à qua miselli cum luce reuiuiscunt ruptis subsidente spumâ coctioris pituitæ repagulis. Quæ enim spes recreat vbi somnus laborem parit, fessaque dat æger membra tortori potiùs quam sopori? erudito periculo protinus auertendum periculum: ne sis ideò sollicitior an indigena, vel aduena fuerit *ἡδὴ* ille *ὑδρωπικὸς*? An viscerum nutritiorum *χρηστικὰς ὑψηλῶν*? Vel coquentis naturæ ignauia, indiligentiâ excernentis, vel errore imprudenti aliò depor- tantis. Qui semper Hepar reum hydropis facit, ejus immeritò læsi muneris sæpe reus ipse venit accusandus, & cum Pythagora traducendus Atriplicis *ἄνθρωπος* injustus accusator.

HYDROPS vtricularios seu ventris siue pectoris, vt & suppuratos fecare, non magis nouum est quàm noua Medicina; etsi nonnunquam seueræ innocentisque artis fiduciam vicèrit mollior sæculi consuetudo, & in ægri versa perniciem indulgentia præsentanci auxilij. Hæc vna & solida est gratia, quam Natura nescit, vni artificij debes? In Ascite si manum abstinueris, nec ausis ferro pertundere aqualiculum; at non sine veterum exemplo tum feceris viam summâ malleolorum cute vulnerculis faucia. In pectore verò vitæ inimicior laribus, osseoque vallo tutior feri colluuijs exantlari omninò nequit, ni defubritò thoracis claustra ferro perfoderis, etiam non præeunte pyrotico. Ecquid enim est operæ pretij, sic vstulare laborantem, aut præsidij morâ (quæ seri quàm puris funestior) diem diffindere? Puncto securitas constat, posticò inter quartam quintamue costam ferrum audacter adige, factò penetrante vulnere per interjecta *τὴν μεσπλευρῆν* spatia; at sic temperes manum, vt muscutorum fibris & vasis minimùm noccas.

CAVE tamen sit conscia temeritatis celeritas. Hinc Scylla, illinc Charybdis quam fugias. Medium si tenueris tutissimus ibis. Ni enim *αὐτὸς* succuratur dum viscera intestinâ labe vacant, oleum & opera perditur, perit naturæ vigor qui magna potentia solus, vtilemque aliàs operam secuta fata infamant. Citò aggredi decet, at vacuare partitò, benè memorem non solum integrò sanguine, sed putri etiam ichore & tabò vitam sustineri. Vt purpuream vomunt animam *ἰνυμαίνου*, sic plurimâ sanie confertim effusâ expirant *περμαίνου*. Adeò miserum vitam debuisse morbo, vilsaque sæpius funestior alieni feri, quàm benigni humoris vacuatio.

SIC, quam vrget hydrops opem, vitæ studium sufflaminare debet: frustra es si tibi aliæ quæruntur artes, quibus res ægri in vado collocentur. Frustra sero exhauriendi vacauerit infelix Diatritariorum opera. Suas adhibuerint Communitates Methodici. *Μεθοδικὰς ἀρχὰς* Empirici induxerint. Sic reliquum illi omnes naturæ fundum dilapidant, fraudant genium, majore vi aquarum præfocare vitalia imprudentius fatagunt. Ficulneum etiam in Purgantibus præsidium, in Mochlicis venenum plurium doctus periculis protinus experiere; vix vlli quippè salutaris vsquam extitit alui proluuijs. Perirrhœa insolentior quidem, at potior votis. Omne vna feret punctum Sectio, quæ securitati addit gratiam jucundæ celeritatis, certæ & inoffensæ valetudinis Soteria.

Ergo Hydropi pectoris, Sectio.

DOMINI DOCTORES DISPV TATVRI.

M. Ioannes Baptista Moreau, Reg. Prof.
M. Eusebius Renaudot.
M. Isaac Renaudot.

M. Antonius Morand, Decanus.
M. Ioannes Hamon.
M. Simon Boulor.

M. Claudius Lienard.
M. Petrus de Beauvains.
M. Franc. Guenault, Antiquior Scholæ Magister
& Regina Christianissima Archiater.

Proponebat Lutetiæ HIPPOLYTUS DV VAL, Pontifaranus, A. R. S. H. M. DC. LXIII.